

БАЯН-ӨЛГИЙ АЙМГИЙН
БАЙГАЛЬ ОРЧНЫ ГАЗРЫН ДАРГА
..... / Х. АХЫТХАН/
БУГАТ СУМЫН ЗАСАГ ДАРГА
..... / Х. ЕРЖАНАТ/

БАТЛАВ.



“МОНГОЛ САФАРИ” ХХК-ИЙН
ЕРӨНХИЙ ЗАХИРАЛ
..... /У. БУЯНДӨЛГЭР/

**БАЯН-ӨЛГИЙ АЙМГИЙН БУГАТ СУМЫН “ТӨМӨРТ” АГНУУРЫН БҮС НУТГИЙН
ХАМГААЛЛЫН МЕНЕЖМЕНТИЙГ ХАРИУЦАХ ГЭРЭЭ**

№ 05.

НЭГ. ЕРӨНХИЙ ҮНДЭСЛЭЛ

Аргаль хонины байршил нутаг “Төмөрт” агнуурын бүс нутгийн менежмент нь аймгийн БОГ, Баян-Өлгий аймгийн Бугат сумын ЗДТГ -ын ан агнуурын талаар баримталж буй бодлогыг хэрэгжүүлэхэд нутгийн иргэдийг тогтмол, идэвхтэй оролцуулах, хамтын ажиллагааг бүх шатанд хөгжүүлэх мөрийн хөтөлбөр юм.

Бугат сумын ИТХТ-ийн 2014 оны 06 дугаар сарын 26-ны өдрийнх тоот тогтоолоор тус бүс нутгийн зураглал, хилийн цэс батлагдсан байна.

Менежментийн төлөвлөгөө нь агнуурын санг тогтвортой хамгаалах, өсгөн үржүүлэх, зүй зохистой ашиглалтыг зохицуулах удирдлага, зохион байгуулалтын төлөвлөгөө юм.

Энэ төлөвлөгөө нь орон нутгийн төр, захиргааны байгууллага, менежментийн төлөвлөгөөг хариуцан хэрэгжүүлэгч “Монгол Сафари” ХХК, “Архар” нөхөрлөлийн төлөөлөл зэрэг талуудын оролцоог хангаснаараа онцлог юм.

ХОЁР. ГЭРЭЭНИЙ ЗОРИЛГО

Энэхүү гэрээний зорилго нь “Төмөрт” агнуурын бүс нутгийн агнуурын менежментийн төлөвлөгөөг хэрэгжүүлэн ан амьтны санг хариуцан хамгаалах, түүнийг зүй зохистой ашиглах, нөхөн сэргээхэд Төрийн захиргааны байгууллага, нутгийн иргэдийн нөхөрлөл, байгаль хамгаалах мэргэжлийн байгууллага зэрэг оролцогч талуудын үйл ажиллагааны харилцааг зохицуулахад чиглэгдэнэ.

ГУРАВ. ГЭРЭЭ БАЙГУУЛАГЧ ТАЛУУД

Баян-Өлгий аймгийн Бугат сумын Иргэдийн Төлөөлөгчдийн Хурлын Тэргүүлэгчдийн 2014 оны 06 дугаар сарын 26-ны өдрийн 24 тоот тогтоолыг үндэслэн “Монгол Сафари” ХХК нь тус сумын Бага Асгат, Их Асгат, Мөст, Ногоон нуурын эх, Хөх хөтөл даваа, Хойлогийн уул, Загийн Улаан уул, Хойлогийн даваа, Заагт хөтөл, Орогт уул, Төмөрт уул, зэрэг 209.21 км² газрыг хамарсан “Төмөрт” агнуурын бүс нутгийн менежментийг хариуцан ажиллахаар 2014 оны 06 -р сарын 24 ны өдрөөс 2019 оны 12-р сарын 31-ны өдрийг хүртэл 5 жил (тав) ажиллахаар энэхүү гэрээг нэг талаас

- Баян-Өлгий аймгийн БО Газар,
- Бугат сумын Засаг Даргын Тамгын Газар,
- “Монгол Сафари” ХХК

ДӨРӨВ. ТАЛУУДЫН ХҮЛЭЭХ ҮҮРЭГ

Нэг. Баян-Өлний Аймгийн БО Газрын хүлээх үүрэг хариуцлага

4.1.1 Гэрээний хэрэгжилтэнд хяналт тавьж, удирдлага, зохион байгуулалтын туслалцаа үзүүлэх,

4.1.2 Агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд идэвхитэн байгаль хамгаалагчийн эрх, үнэмлэх олгуулах ажлыг шийдвэрлүүлэх,

4.1.3 Агнуурын бүс нутагт мэргэжлийн байгууллагаас жил бүр хийх судалгаанд үндэслэн дараа онд тусгай зөвшөөрлөөр агнах амьтны тоо хэмжээний саналыг “Ховор амьтан агнах, барих тусгай зөвшөөрөл олгох журам”-ын 4.1-д заасны дагуу төрийн захиргааны төв байгууллагад жил бүрийн 8 дугаар сарын 20-ны дотор хүргүүлэх,

Хоёр. Бугат сумын Засаг даргын Тамгын газрын хүлээх үүрэг, хариуцлага

4.2.1 Агнуурын бүс нутгийн ан амьтны нөөцийг хамгаалах, өсгөн үржүүлэх, зохистой ашиглах менежментийн төлөвлөгөөг хэрэгжүүлэхэд бүх талын дэмжлэг үзүүлэх,

4.2.2 Сумын нутаг дэвсгэр дэх ангийн нөөц бүхий нутаг дэвсгэрт нутгийн иргэдийн оролцоотой байгаль хамгаалах нөхөрлөл байгуулах ажлыг удирдлага, зохион байгуулалтаар хангаж ажиллах,

4.2.3 Байгалийн нөөц ашигласны төлбөрийн тухай хуулийн 18.1-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэхэд зарцуулах,

4.2.4 Агнуурын бүс нутгийн менежментийг хариуцагчийн ажлын гүйцэтгэлд хяналт тавьж ажиллахын зэрэгцээ төлөвлөгөөний биелэлтийн тайланг жил бүр хэлэлцүүлж тодорхой удирдамж, чиглэлээр хангаж ажиллах,

**Гурав. “Төмөрт” агнуурын бүс нутгийн менежментийг хариуцагч
“Монгол Сафари” ХХК-ний хүлээх үүрэг, хариуцлага**

4.3.1 Агнуурын бүс нутгийн менежмент хариуцагч нь хариуцаж байгаа агнуурын бүс нутгийн нарийвчилсан агнуур зохион байгуулалтыг мэргэжлийн байгууллагаар хийлгэж, ан агнуурын менежмент төлөвлөгөөг боловсруулан батлуулсан байх,

4.3.2 Агнуурын бүс нутагт мониторинг талбай, цэгийг сонгон сар бүр тогтмол хугацаанд батлагдсан арга зүйн дагуу зэрлэг амьтны тоо толгой, байршил, амьдрах орчны судалгааг “Архар” нөхөрлөлөөр дамжуулан зохион байгуулах,

4.3.3 Ан амьтны нөөц, байршлын судалгааны тайлан мэдээллийг аймгийн Байгаль орчны газарт сар бүрийн тогтсон өдөрт хүргүүлэх,

4.3.4 Хууль бус агнуурыг бууруулах зорилгоор аргаль хонь, тарвага зэрэг агнуурын амьтадыг хууль бусаар агнадаг эрсдэл бүхий хугацаанд эргүүл, хяналтыг нутгийн иргэдтэй хамтран тогтмол зохион байгуулах,

4.3.5 Агнуурын бүс нутгийн айлуудыг бэлчээрийн зохистой менежмент хэрэгжүүлэхэд чиглүүлэх,

4.3.6 Багийн ИНХ-д “Төмөрт” агнуурын бүс нутгийн менежмент төлөвлөгөөний хэрэгжилтийг танилцуулан, цаашид авах арга хэмжээнд саналыг тусган “Архар” нөхөрлөлтэй хамтран ажиллах,

4.3.7 Дараа онд тусгай зориулалтаар агнах амьтны тоо хэмжээний саналыг батлагдсан ан агнуурын менежмент төлөвлөгөөнд үндэслэн жил бүрийн 8 дугаар сарын 1-ээс өмнө аймгийн Байгаль орчны газарт хүргүүлэх,

4.3.8 “Төмөрт” агнуурын бүс нутгийн батлагдсан менежментийн төлөвлөгөөний хэрэгжилт, менежмент хариуцах гэрээний биелэлтийг сумын Засаг даргатай

хамтран дүгнэж, тайланг аймгийн Байгаль орчны газарт тухайн оны 11 сарын 15-наас өмнө хүргүүлэх,

4.3.9 Агнуурын бүс нутгийн менежмент хариуцагч байгууллага нь ховор амьтан агнах, барих гэрээний биелэлтийн тайланг аймгийн Байгаль орчны газарт тухайн жилийн 11 сарын 15-аас өмнө хүргүүлэх,

ТАВ. Маргааныг шийдэх, хариуцлагын тогтолцоо

5.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

5.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2014 оны 06 -р сарын 26 - ны өдөр гарын үсэг зурж баталгаажуулж 3 хувь үйлдэв.

Гэрээнд нэмэлт өөрчлөлт оруулж болох бөгөөд 2019 оны 12-р сарын 31-ны өдөр хүртэл хүчинтэй.

ГЭРЭЭ БАЙГУУЛСАН:

БОГ-ын АХЛАХ МЭРГЭЖИЛТЭН



И. ЖУЛДЫЗ

**БУГАТ СУМЫН БАЙГАЛЬ ОРЧНЫ
ХЯНАЛТЫН УЛСЫН БАЙЦААГЧ**



Г. ТИЛЕУБЕК

“МОНГОЛ САФАРИ” ХХК ДЭД ЗАХИРАЛ



С. ГЭЛЭГНЯМ